



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav (1) Zakona o finansiranju političkih stranaka („Službeni glasnik BiH“ broj 22/00) i člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08) izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU **ZELENIH BOSNE I HERCEGOVINE**

Broj: 03-07-6-846/08  
Sarajevo, 19.01.2009. godine

## SADRŽAJ:

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE .....	5
5. NALAZI I PREPORUKE .....	5
5.1. NALAZI.....	5
5.2. P R E P O R U K E : .....	6

## MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja **Zelenih BiH** za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

**Stranka Zeleni BiH je prekršila odredbe člana 11. stav (4) Zakona o finansiranju političkih stranaka jer nije dostavila dodatnu dokumentaciju.**

**Na osnovu našeg pregleda, odnosno kontrole finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Zelenih BiH za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja politička stranka Zeleni BiH nije ostvarila niti iskazala prihode, što se vidi iz sljedeće tabele:

Red.br.	Vrsta prihoda	Iznos u KM	Učešće u ukupnom prihodu %
1	Članarina	0,00	
2	Prilozi fizičkih lica	0,00	
3	Prilozi pravnih lica	0,00	
4	Prihodi od imovine	0,00	
5	Prihodi od pr.lica	0,00	
6	Prihodi od poklona	0,00	
7	Prihodi iz budžeta	0,00	
8	Ostali prihodi	0,00	
	<b>Ukupni prihodi:</b>	<b>0,00</b>	

U godišnjem finansijskom izvještaju politička stranka Zeleni BiH nije iskazala nikakve rashode.

## 2. PREDSTAVLJANJE POLITIČKE STRANKE

Naziv političke stranke: Zeleni Bosne i Hercegovine. Skraćeni naziv stranke je Zeleni BiH. Politička stranka je registrovana 13.04.2004. godine kod Kantonalnog suda u Zenici pod brojem R-IV-1/04. Sjedište političke stranke je u Zenici, ulica Fra Ivana Jukića br.1.

Za zastupanje stranke u 2007. godini bio je ovlašten Hasan Delić, predsjednik stranke. Osoba ovlaštena za podnošenje finansijskih izvještaja za 2007. godinu je Enisa Spahić.

Organizacionu strukturu Zelenih BiH, prema podacima iz finansijskog izvještaja, čini:

- Glavni odbor.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole je** godišnji finansijski izvještaj stranke Zelenih BiH za 2007. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je stranka Zeleni BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka

**Obim pregleda i kontrole** finansijskih izvještaja stranke Zeleni BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

### 4. PRETHODNE KONTROLE I REVIZIJE

U prethodnom periodu izvršeni su pregledi godišnjeg finansijskog izvještaja stranke Zeleni BiH za 2005. i 2006. godinu, nakon kojih su izdati izvještaji o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 5. stav (1) Zakona o finansiranju političkih stranaka i da finansijske izvještaje treba popunjavati u skladu sa odredbama člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

#### **Realizovane preporuke:**

U skladu sa preporukama iz izvještaja o pregledu stranka Zeleni BiH je preduzela određene korake te je u 2007. godini postupila u skladu sa odredbama člana 5. stav (1) i člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

#### **Nerealizovane preporuke:**

Politička stranka nije ispoštovala generalno datu preporuku da se pridržava odredaba Zakona o finansiranju političkih stranaka i postupila je suprotno odredbama člana 11. stav (4) ovog Zakona.

### 5. NALAZI I PREPORUKE

#### 5.1. NALAZI

- a) **Na osnovu obavljenog pregleda finansijskog izvještaja utvrđeno je da je stranka Zeleni BiH prekršila odredbe člana 11. stav (4) Zakona o finansiranju političkih stranaka.**<sup>1</sup>

Centralna izborna komisija BiH je aktom br. 03-07-6-1476/08 od 04.06.2008. godine od ove političke stranke zatražila da dostavi dodatnu finansijsku dokumentaciju vezanu za poslovanje stranke u 2007. godini. Politička stranka Zeleni BiH nije postupila po zahtjevu, niti po

---

<sup>1</sup> Sva lica koja su obavezna sa podnesu izvještaj, moraju podnijeti i dodatne izvještaje na zahtjev Centralne izborne komisije BiH.

urgenciji za dostavu dodatne dokumentacije upućenoj dana 29.07.2008. godine, odnosno nije dostavila traženu dokumentaciju, čime je prekršila odredbe člana 11. stav (4) Zakona o finansiranju političkih stranaka.

## **5.2. P R E P O R U K E :**

*Preporučuje se stranci Zeleni BiH da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:*

- *Da postupa u skladu sa odredbama člana 11. stav (4), Zakona o finansiranju političkih stranaka i to:*
  - *da pored godišnjeg finansijskog izvještaja dostavi i dodatnu dokumentaciju koju CIK BiH zatraži.*

### **Komentar**

Zeleni Bosne i Hercegovine se nisu očitovali na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu.

Mr. Hasida Gušić, šef Službe za reviziju – revizor

Veliborka Kravljača, pomoćnik revizora